

Mekalo san 2017

San 45nan - Boko 544nan

Songo = Dōrōmē 35

San 2017 - 2018 sene kanpani baara bolodalenw

Jamanakuntigi Iburahimu Bubakari Keyita y'a ka nisondiya jira san 2016-2017 cike kanpani jaabi sōrōlenw na. O kofé, a y'a jira k'a dijena ni san 2017-2018 cike kanpani baara bolodalenw ye. O kera taratodon, mēkalo tile 2, san 2017, Kuluba, jamana cikéko bilasirali jekuluba ka laje 7nan senfe.

O laje in, némogoya tun bē jamanakuntigi yere bolo. Minisiri némogó Abudulayi Idrisa Mayiga tun b'a kéné kan, ka fara cike minisiri Karamogoba Nango Danbelé, baganmara ni monni minisiri Madamu Li Taher Darawe ani goférénaman minisiri caman. Cikelaw ka bulonba némogó Bakari Togola, sene baganmara ani moconi cakédal némogow, ka fara porozew, porogaramuw ani Ofisiw némogow kan, olu bētun be laje in kéné kan.

San 2016-2017 cike kanpani jaabi sōrōlenw ye jamanakuntigi nisondiya, ka da a kan Mali sera ka suman toni miliyon 8,8 sōrō, kasoro toni miliyon 8,7 sōrōli de tun bolodalen don. O b'a jira ko suman suguya bēt sōrō jidira ka se 100,6% ma. Suman sōrōlen ninnuna, malo hake benna toni miliyon 2,7 ma, kaba hake benna toni miliyon 2,8 ma. Kooriséne siratige la, Mali kera folo ye sahara woroduguyanfan jamanawna. Malika sōrōta hake benna koori koloma toni 647.000 ma.

Jamanakuntigi ye foli ni tanuni kē



San 2017-2018 sene Kanpani nafo hake bolodara k'a benn sefawari miliyari 287,6 ma

ka nesin senekelaw, baganmaralaw, monnikelaw ani jirriturulaw ma. Olu ka baara n'u ka cesiri de y'a to ni nin jaabi numanw sōrō.

Jamanakuntigi ye hakili numan min sōrō ka jamanaka san baarakenafol 15% don cike yiriwali dafé, o fana ye jaabi numan sōrōlen sababu do ye. Goférénaman ye deme minnu ke angéréko ni sumansiko la, ani tarakiteri 1000, olu fana ye yiriwali sababili sababu dōw ye, ka fara cikelakolidenw ka laadiliw n'u ka degeliw kan.

Jamana ye cike demeni min kē san

2016-2017 kanpani na, o benn sefawari miliyari 43,44 ma. O musakaw benna angérétoni 384.370 sanni ma. Misimus 10.806 kōnomayara walasa u ka misiden némamaw wolo. Misimus 10.000 de tun sugandira o baara in kama. Kayi, Gawo ani Menaka marabolow kōn, se bère te ga minnu ye, ga 1.235, ba 4.300 tilala olu ce. Bagan miliyon 30,1 sōgora walasa k'u kisi baganbana suguya caman ma. Bagan sōgoda bolodalen hake tun ye miliyon 31,8 ye. Sogli hake min nena bagansogoba in senfe o benna 94,63

% ma.

O kunnawoloba in hukumu kōn, cike minisiri ni baganmara ni monni minisiri jera ka san 2017-2018 sene kanpani laben. U bennna a kan ka suman toni 9.820.244 sōrō san 2017-2018 kanpani na. N'o sōrōla, o bennna ke jidi kelen ye hi 11% ye. Kooriséne siratige la, koori koloma toni 725.000 sōrōli bolodara u fe, n'o sabatira, o bennna ke jidi kelen ye ni 12% ye.

San 2017-2018 sene Kanpani nafo hake bolodara k'a benn sefawari miliyari 287,6 ma. Miliyari 53,5 bē don sene kefenwsannidafe (angerew ni sumansiw). Miliyari 6,3 bē don cikéminenw sanni dafé. San 2017-2018 sene kanpani nafo hake bolodalen na, jamana b'a joni miliyari 153,6 saraliye. A to miliyari 134,07 bē bo sōrō kebagaw kun.

O kofé, jamanakuntigi y'a gelya Mali cikéko némogow n'a baarakelaw ma, u k'u jilaja, jamana bē deme minnu ke, olu ka nénabó jelenya, dannaya ani fasokanu kōn, walasa deme ninnu nesinnen bē minnu ma jionjon, olu k'a sōrō, n'o ye senekelaw, baganmaralaw ani monnikelaw ye.

O kofé, cikelaw ka bulonba némogó Bakari Togola ye kuma - ta ka jamanakuntigi fo k'a waleju mandon, k'a jira a la, ko Mali senekelaw, baganmaralaw ni monnikelaw tēna bō a jigi kōrō.

Moriba Kulubali
Mahamadou Konta

Mali mangorow feereli nafa n'a gelyaw

Jamana seneko némogoyaso ye san 2017 mangorofeere kanpani dayéléli kunnafoni dijumadon, mariskalo tile 10, san 2017. Kunnafoni in ye don fôlén 3 dantige : mariskalo tile 20 temenen in, o dantigera k'o benn mangorow donidon ma pankurun na ka taa u feere farajejamanaw kàn. O don kelen na, mangoro suguya min bē wele «Ameli», o bē doni batonbaw la ka taa u feere farajejamanaw kan. Awirlikalo temenen in tile 20, o sugandira mangoro suguya tow donini kama pankurun ni baton na ka taa u feere farajejamanaw kan. Zuwenkalo tile 15 sugandira k'o ke mangorofeere kanpani datugulidon ye.

Mali kōn, mangoroforo ka ca marabolo minnu kōn kosebe k' teme tow kan, olu ye Sikaso, Kulukorō, ani Bamako ye. Mangoroforo taari 13.641 bē sōrō, o marabolo ninnu kōn.

Mangoroforotigw bē wulikajow la walasa ka nafaba sōrō Eropu sugu

A to bē ne 2nan na

KONKO BE LE 8NAN NA



San 2016 mangoroko kanpani nafa bennna sefawari miliyari 22,8 ma

Né folo 1

kono mangoroko la.

San 2015 kanpani na, Mali mangoro ye sefawari miliyari 25 soro Eröpu suguw la. San 2016 ta benna sefawari miliyari 22,8 ma.

Geleya caman sorola san 2016 kanpani na, bawo Mali mangorow minena siñe 6. Tubabuw y'u mine

kun 2 koson: folo, a yera k'a fo ko mangorotinedimogow tun y'u fan da mangoro caman na, ka banakise bila olu la. Segesegeliw kelen, o mangorow minena k'u bo feere la.

Filanankera sebenkoye. Seben jelen tun ma da Mali mangoro döw kan, o be komi yurugurugu nasira döw, okonnendon Eröpu jamanaw

kono. O geleya fila ye caman bo Mali mangorofeerelaw ka tono na; wa kangari gelenw dara Mali nemogow ye o kow koson; bawo mangiliw be se ka bo a la.

Kabini Mali ye mangorofeere damine Eröpu jamanaw kan, a ka mangoro mineni tun te teme siñe fila kan kanpani kelen kono. Nka san 2016 kanpani ta se sera fo

siñe 6 ma. N'a temena o yoro kan, o ye kariton nere muguman jiralen ye Mali la, o ye laadiliseben ye.

Ni tijeni kera damateme ye, kariton bilenman be di, o ye gennisebenye. Ola, Malimangoro feereli be lajo Eröpu, fo ni sariya labatora Mali fe waati min na.

**Kalifa Jakite
Mahamadu Konta**

Mali mangoro bëe te Eröpu jamanaw suguw sariya dafa

Dimogo ka jugu mangoro ma. O ye dimogonin do ye min b'a fan da mangoro fara la, ka banakise bila a la. Obanakise be mangoro lije bawo a be se ka bana bila a dunbaga la. Hali o taamasiyen fitinin mana ye mangoro kelen na, o y'a to bee mangoyalen ye tubabuw fe.

Mukutari Jara ye mangorofotigi ye, Mali mangorofotigi ka ton peresidan fana don. Ale ka fo la, Mali be farati kankun kan, ka cu nin geleya ninnu kan. Nka fura be geleya ninnu na. Cakeda min ka baara ye falenfenw lakanani ye Mali kono, feew b'o bolo, minnu be se ka ke sababu ye dimogonin ninnu ka silasa. An ka fankelenfejamanaw ka tonba kono, jekulu fana sigilen be min ka baara ye feneñamaniñw fagali ye. O jekulu fana ka kan k'a ka baara ke. O jekulu in demenen don Eröpu kelenyatombi, Faransi ka yiriwalicakeda ani Sedeyawo jamanaw fe.

Mangorobasoromarabolo 3 minnu be Mali kono, furaw ka kan ka ke o yoro forow la, ka dimogonin ninnu silatunun. Jan 1.200 de tun ka kan ka da dimogo ninnu ne Mali kono, nka an be don min na i ko bi, jan 20 döron de sera ka da. Mamadu Karabenta min ye dimogonin ninnu keleli porogaramu nemogoye, ale y'a jira ko Mali jagoklaw ma deli dimogominjan ninnu feereli la folo, o de kama, u ma se ka caya Mali kono walasa forotigi k'u san. Nka geleyaw n'u ta bee, soro be ka jiidi mangoroko la Mali kono.

Jateminé minnu kera k'a damine san 2014 na, olu y'a jira ko san 2014, mangoro toni 37.572,77 feerela kokan. San 2015, toni 38.528,78 feerela. San 2016 ta benna toni 43.285,95 ma.

Hakika la, Mali be se ka toni 575.000 soro san o san ni kow latemena a nema. Mukutari Jara ka fo la, mangoroko geleyaw te dimogoninko döron ye. A

geleyaba do fana ye sebenko ye. Seben min be da mangorow kan, k'a jira k'a fo u ka ni, u monen don, bana t'ula, o seben döw be soro yuruguyurugu la. Ni seben dara mangoro kan k'a ka ni kasoro a man ni, tubabuw fe o te ben. O de koson u be mangiliw ke.

Mukutari Jara ye misali do di. A y'a jira ko Moritani jamana jegefeerelaw be na feere ke Mali kono, u seginto, u be mangoro gerenw san, k'olu don mo na Nara, kasoro ka seben soro k'a jira k'olu ka ni, kasoro u man ni. Narakaw'b'o mangorow bila ka taa Eröpu jamanaw kan Mali togo la. O yuruguyurugu siraw be na ni tagotigne ye. Nka a ko ale t'a dönsében jugu ninnu be dilan cogo min an'u be soro cogo min na. Mali goferenaman ka cakedaw döron de dun yamarualenw don k'u dilan. Walasa Mali mangorow ka saratiw dafa Eröpu jamanaw suguw kono, minisirisariya tara min nimoro ye 2017-0494/MA-SG ye, min tara san 2017 mariskalo tile 6. Sariyasen 3 b'a kono.

Sariyasen 1 b'a jira ko mangorofeere kanpani daminedon n'a dutugudon be dantige jamana cike nemogoyaso kuntigfe, a kelen ko ka falenfenw kolosilicakeda ni Mali mangorokoton mogow lamen.

Sariyasen 2 na b'a jira ko Mali mangoro kókanjagolaw ka kan ka dantige, k'u togo seben, k'u lakodón, k'a dón u be mangoro suguya minnu feere.

Sariyasen 3 na b'a jira ko togoseben be ke san o san, a kedon be dantige Mali faamaw fe. Ni mangorofeereela min togo a seben o waati bolodalen kono, o sen'ta la. **Mahamadu Konta**

Yanfolila-Kalana siraba dilanni daminené

Minisirinémoogo Abudulayi Idirisa Mayiga ye Yanfolila ni Kalana ce siraba dilanni dabañe folo ke sibiridon mekalo tile 13 san 2017. Sira in janya ye kilometre 52 ye. Amusaka be ben sefawari 18.829,019 ma, min bëna bøfasokun. Baaraw be Siniwajamana cakeda do bolo, min togo daje surun ye «Koweki-Mali», kalo 15 kuntaala kono.

Minisiri tow, Sikasomara nemogow, Yanfolila serekili nemogow ani siraba in be teme komini minnu fe olu nemogow, nin bee tun be Yanfolila ni Kalana ce siraba in dilanni dabañe

folo keli kene kan.

Gitoron min be bo Bugunin, ka teme Yanfolila ni Kalana fe fo Lajine dance la, o to de dilanto don. Bugunin ni Yanfolila ce dilannen don kaban. A to min ye Yanfolila ni Lajine dance ye, o be damine Yanfolila serekili togola konseyew dagayoro soba la ka teme Solona, Malikila, Badogo ani Fabula fe.

Minisiri min nesinnen be baarakeminenkow, taamako ani jamana marabolow sogoli ma ka bila jogon na, o y'a jira ko nafaba be Yanfolila ni Kalana ce sira in dilanni

na. Ka da a kan lemuruba, mangoro, namasa, somo ani nakolafen caman be soro o yoro ninnu na. A b'olu donini nogoya ka se u niniyorow la. Yanfolila serekili döron kono, mangoro hake min be soro san kono, o be se toni 50.000 ma. O b'a jira ko n'i ye Mali mangoro mume sorota tila 4 ye, Yanfolila serekili kelen ta be ben tilayoro kelen ma o la. Namasa hake min fana be soro Mali kono, o tilance be bo Yanfolila serekili kono. Sanuboyoro fana ka ca yen koscbe.

**Sekí M. Tarawele
Dokala Yusufu Jara**

Kangaba, Julafondo ani Lajine dance siraba baaraw daminené

Minisirinémoogo Abudulayi Idirisa Mayiga ye siraba do dilanni dabañe folo ke sibiridon, mekalo tile 6, san 2017. O siraba in b'a ta Kangaba, ka taa Julafondo, fo Lajine dance la.

Minisirinémoogo ni depitebulon peresidan, Isaka Sidibe ani minenkow ni sigidaw lasoroliko numan minisiri Madamu Tarawele Zeyinabu Jopo tun be jogon fe, ka fara Kulukoro mara faama caman kan.

Siraba in janya ye kilometre 52 ye. A musaka be ben sefawari miliyari 19 ani miliyon 437 ma. O bee be bo Mali ka forobanafolo la. A baaraw be ke kalo 15 kono, samine kalow sent'ola. Baaraw be ke Mamadu Konate ka cakeda fe.

Minenko ni sigida lasoroliko numan minisiri y'a jira ko Kangaba, Julafondo ni Lajine dance siraba in dilanni baara bolodalen be sirabadilan baaraw kono minnu bëna ke jamana sigida caman na.

Minisirinémoogo y'a jira a ka kuma kono, ko siraba nafa



dönnen don kakoro. A be sigidaw kala jogon na, ka jaço ni hadamadenyasiraw yiriwa. Nka do be siraba in nata kan, o ye ka Mali ni Lajine ce sinsin ka taa a fe, soro, sekó ni döñko ani politikiko sira bee lajelen kan.

Lugayi Alimuludu / Mahamadu Konta

Bankonin-Nosonbugu siraba dilanni baaraw daminené

Jamanakuntigi Ibrahimi Bubakari Keyita ye Bankonin ni Nosonbugu siraba baaraw daminené dabañe folo ke, arabadon, mekalo tile 3, san 2017. O kera Jalakorji nege kanje 16 temenen ni miniti 50 ye. Siraba in bëna ke gitoron ye. A janya ye kilometre 56 ye. A be damine Bankonin na, ka teme Jalakorji ni Salo fe fo Nosonbugu.

Madamu Kamara Mariyamu
Kasoge min be baara ke jamana sirabakow nemogoyaso la, ale y'a jira ko siraba in dilanni kun ye ka taakasegin nogoya jamanadenw bolo, u ka se k'u ka hadamadenyasiraw, jagosiraw n'u ka yiriwalisiraw ke konuman, u sago la. A be teme komini minnu fe, a b'olu ka yiriwalii teliya. A b'a to fana u k'u bolo di jogon ma, ka je ka baaraw ke jogon fe u ka dugumogow ka here kama.

Baara in kafilara cakeda min na, o be wele «COGEBA International». A musaka be ben sefawari miliyari 27,72 ma, a baaraw kuntaala ye kalo 15 ye. A nafoko mume be bo jamana forobawari la.

**Seyidu Tangara
Mahamadu Konta**

Tigasene nafa ka bon

Tigasunkundama b'a ta santimetre 20 na ka se 90 ma. A feere ye nereye. Senko kelen don san kono.

Tiga ye falenfen ye min jatelen don tulumafew fe. Tigakise kelen tilalen keme ye, i b'a soro 40 ka se 50 ma, o ye tulu ye. A denw be duguma i n'a fo tiganinkurun taw. A denw ye kolo ye. Tigakise kelen ka se fila, saba walima naani ma, o be se ka soro kolo kelen kono. Tigakolo kundama b'a ta santimetre 3 la ka se 4 ma. Donnikelaw y'a jira ko tiga buruju ye Ameriki gun woroduguyanfan ye, bawo Peru jamanakan, kaburukoroba do yera yen tiga maralen yera o kono, o be san ba caman bo. Nka bi tiga sebekoro jenseenna dje kono, ka da a nafa kan.

A ka ni tiga ka sen dugukolo maganman kan, min b'a to a diliw be saran konuman, k'a denw bonya ani k'a boli nonoya. A man kan ka sen jisigeyorow la. Tiga be ne sanjidogomanyorow la cogo min (millimetere 400 san kono), a be ne sanjicamanyorow fana na ten (millimetere 1.300 san kono). A mako be funteni hake min na, a danni, a falenni n'a seli kono, o be ben degere 30 nogonna ma.

Donnikelaw ye tiga segesge k'a kefen jatmine. U y'a soro ji y'a la 5,4% ye, sogo witamin'y'a la 26% ye, tulu hake y'a la 48% ye, sukaromafew y'a la 17,6% ye, fuw y'a la 1,9% ye.

Tiga be bayelema ka ke fen minnu ye :

Tigatulu : Tulu hake min be tiga la, h'ye 48% ye, o b'a to a ka ke tulu ye. Tigatulu geregere ne ka ni, a dundala ka di. A dilannen be Izini na k'a ke bidon ceji kono. Naw be tobi n'a ye, jiranni b'e ke n'a ye, salati ni oridewuruw b'e dilan n'a ye, an'olu nogonna caman.

Tigadege : Tigakise be jiran k'a si wugu la, walima k'a si mansin na, k'a ke tigadege ye. O tigadege be ke tigadege ye, a be ke juguna ye, a be ke basijalanna, a be ke halibiriye, n'o ye naare ye jamana dow kan. O jamanaw kan, bisiki suguya caman be dilan n'a ye sango Lamerikenjamana. Jamana bee n'a ka laada don tiga laba'arali la k'a ke balofen ye walima k'a don balofen werew dilanni dafe.

Bagandumuni : Tiga naga y'a dama nafole ye. Ale be san kosebe k'a di baganw ma u k'a dunsango sagaw ni baw. Tigakise be se ka dilan ka ke tigabo ye, o fana ye bagandumuni naftamaba ye

Nafa werew : Tiga be ke tulu ye cogo min, a be se ka ke safune fana ye o cogo la. A faraw ye tasumamenenanjumanwye. Obolen ko yen, cike nasira la, tiga be sen

dugukolo min kan, a b'o nogodon. Dundala boleñ k'o yen, tigatulu be se ka ke fura ye, farafinfurakela caman b'i makone a la.

Dje kono : Tigakolo walima tiga farama toni miliyon 31 nogonna de be senne san o san dje kono. Azi gun ye folo ye tigasene na ni toni miliyon 21.583 (1996), ka Afiriki gun tuguale la ni toni miliyon 7.507 ye (1997), ka Ameriki kejekayanfan ni ccmanceyanfan tugu o la ni toni miliyon 1.953 (1998) ye.

Afiriki kono : Tigasene jamanaba ye fila ye, Nizeriya (toni miliyon 2,5 nogonna) ani Sudan (toni miliyon 1 nogonna). Nizeriya kelen ka tiga senne hake ka ca ni Afiriki tilebinyanfanjamana tow taw faralen ye nogon kan. An kerefejamana na, Senegali lakodonnen don kosebe ni tigasene ye. Kabini tubabule, u ka soro fanba tun be bo tigasene na. Mogow tun be bo jamana werew la ka taa warjinini na Senegali tigasene na. U ka marabolo do be yen ko Salumu, tiga walima tigamafew be ke o yoro mogow ka dumuni suguya bee la.

Mali kono : Mali kono, tiga be sen cikayorow bee la. A ka ca a la, sumanforoy (noforo, kabaforo, maloforo, adw), oju ye foroba ye, dunderi je y'olu ye, nka tigaforo ye joforo ye, o koro ye ko mogokelen tado, o mogokelen caman fana ye musow de ye. Musow be tigaforon bin kerefe, ka do feere, ka do ke na ye, ka do ke somogosamaw ye, adw.

Nka tigasene yiriwalek kosebe, a kera forobasenefer ye yoro daw la. Du be tige sen, k'a feere ka wari caman soro.

Tiga be sen kosebe Mali kono Kayi, Sikaso, Seguani Kulukoro marabolow la. Nka Mali joyoro man bon kosebe tigasene na Afiriki tilebinyanfan na. Kayi marabolo de tun ye folo ye Mali kono tigasene na, sango Kita serkeili, ni Oyasewe/OACV ka deme ye, o tun ye tigako yiriwalek keda ye.

San 2017 hijiwari bilala sefawari 2 074 000 na

Goferenaman bena taa ni hijiden minnu n'u bolominew ye, o baaraw dira pankurunko cakeda fila ma: "Eziputiheli" ani "AMASERI WAYASI". O kunnafoni in dira diinekow minisiri Cerino Amadu Umaru Hasi Jalo fe. Baara in dira u ma ka da u ni Mali ce jenogonyasiraw lataamako numan kan hijiko nasiraw la Makan jamana kan. Pankurunko cakeda ninnu bena taa ni mog 2000 ye goferenaman togo la. San o san Mali tun be taa ni hijiden hake minye, kemesarada la 48 farala o hake kan ninan..

San 2016 ta la hijiden hake tun ye mog 9000 ye; ninan ta ye mog

Tigatuludilan izini tun be Kita. Nka sisan koorisene be jini ka yelen tigasene kan Kita. Maninka minnu jatelen don tigasenenabaw ye, olu caman jigina damandingew kono bi sanunipi na.

Tigasene yiriwara Mali kono tubabule la, negesira datuma k'a ta Kulukoro, k'taa Kayif-Senegal, san 1923 waatiw la, o y'a soro an ka jamana tun be wele ko Sudan Faranse. Owaatiwla, tiga toni 35.000 ka se 105.000 nogonna ma, Sudan Faranse tun b'o feere Faransi ma o san o san.

Yereta kelen san 1960, tigafeere joyoro tun ye 38% ye Mali ka soro la. Cakedaw sigira senkan tigasene yiriwalek kama ka ke ne jamanataabol ma politikiko sira kan, n'o ye sosialismiye. K'a ta san 1967 la ka se 1974 ma, Operason arasidi sigira senkan, (O.A.). K'a ta 1974 la ka se san 1981 ma, Oyasewe/OACV sigira senkan. K'a ta san 1981 na ka se 1991 ma, Odipaki/ODIPAC sigira senkan. O yiriwalek keda ninnu bee binna kasoro cikelaw ma se k'u yere ta tigasene kola. Porozew mana ban, nemogow b'u tege no cikelaw minnu kalanna cikecogo kura fecrew la, olu b'u sigi k'u bolo fila da u sen kan ka demew makono, n'o ma jenabò, u be ko werew nejini. Oy'u ka kalan kelen ye fu ye tigako la.

Demokarasitile la, Semudete ni Ohasiweni/OHVN ye tigasene kola. Tigaforo taari 80.000 tun be Semudete ka mara kono san 1997/1998 waatiw la, o soro benna toni 60.000 ma. Tiga kilo 750 tun be soro cikelaw fe taari la. Tigaforo taari 24.000 de tun be soro Ohasiweni/OHVN ka cikemaraw kono, o soro ma ke dowers ye ni toni 21.000 te san kono.

San 1996/1997 kanpani na, tiga kilo kelentun be sancikelaw fe dorome 50, jagokelawy fe feered. 52 kilo kelen, sankadunnaw y'a san o da kelen d.52 la. Mahamadu Konta (Anyenirikunnafoniw soro entereneti kan)

13.323 ye. Kenyereye pankurunko cakeda 4 bena taa ni a to mog 11.323 ye. U y'u tila u ni nogon ce kasoro goferenaman da ma don u ni nogon ce a tilacogo la.

Sefawari miliyari 2,2 bena di pankurunko cakeda fila kofolenw ma taakasegin kama, minnu be taa ni goferenaman togolahijiden ye. A nafa folo ye u ka musaka bee lajelen b'o la. Nafa were be baara in dili la u ma. U y'a jira ko hijiden kelenna ka wari sarata ye sefawari 2 074 000 ye. O ka'dogo ni Afiriki tilebinyanfan jamana to bee ka jinan hijiwari ye.

Lugay Alimuludu
Dokala Yusufu Jara

Jamanakuntigi ye do bo kasoladen 1.415 ka kaso tuntaala la

Nin y'a siye 3nan ye kalo 12 kono, jamanakuntigi ka kasoladen daw makoto, k'u ka nangili wuli walima ka do bo a la. O kunnafoniw sora kiiriko ni jamana taamasiyenw minisiri Metiri Mamadu Isumatila Konate fe.

Jamanakuntigi Iburahim Bubakari Keyita ye sariya ta ka kasoladen 486 makoto. Sanni o ka ke, zanwuyekalo temenen in tile 20, kasoladen 30 tun makotora. San 2016 setanburukalo tile 22, kasoladen 569 fana tun makotora. O be ben kasoladen 1.415 ma. Kasoladen ninnu makotora ka da a kan, u kera misali numanw ye kaso kono. U makotora fana ka da u ka nangili suguya kan.

Nka kasoladen minnu nangira k'a saba, u ke maramatene wureg murul ye k'u feere, minnu nangira doregufere la, minnu nangira nusomannin' jinini na cratere sira kan, minnu nangira jinkanni na cenumusoya siratige la, ani minnu nangiri denmisenninsonya la, olu si sen te makotoli ninnu na.

Mahamadu Konta

Mali sorodasi 9 fagara, ka 5 jogin Nanpala

Malisordasiwinna janfa dingekono, taratdon, mekalo tile 2, san 2017, Dogfiri ni Nanpala furanci la, Segu mara la. O yoro in falen don kojugubakelaw la, bee b'a kalam, u tana ye Mali faamaw ni jamana taamasiyenw ani jamana demebaaw yeli ye o yoro ninnu na.

Mali sorodasi nemojo do y'a jira ko Mali sorodasi 9 ni tora a la, ka 5 jogin. Binkannikelawtaara ni Malisordasi ka bolifen 2 fana ye.

Faransi sorodasi minnu nana Mali deme n'o ye Barikani ye, olu tun ye dankari kojugubakelaw la Fulisare kungo kono, ka mog 20 nogonna faga ula, Malini Burkina dance la. Faransi kelekepankurunw, u ka komandow, ani perenbaranin bobagaw de y'u fanga fara nogon kan k'o baara in ke Fulisare.

Adama Jara
Mahamadu Konta

Kay ni Sajola ce siraba dilanni daminena

Ajanya ye kilometre 90 ye. Amusaka be ben sefawari miliyari 142,5 ma. A nafole mume be bo jamana forobanafolo la. A baaraw kuntaala ye kalo 24 ye, o be ben san 2 ma. Baaraw be ke Koweki/COVEC Mali fe.

Mineriko ni sigidaw lasoroliko numan minisiri, Madamu Tarawele Zayinabu Jopu ye baara in dabane folo ke. Seki M. Tarawele /Mahamadu Konta

Nsiirin : Nkelen ani sonsan

N'y'a da nkelen ni sonsan na. Don do la, nkelen nana sonsan ma. A ko n koro sonsan, kabini Ala ye ne nkelen da, n ma don ko bilen na folo.

Sonsan k'a ma, ne koni be se k'idoñko bilen na; wa n be se k'iboa la fana. A ko nkelen ma taa, sini i ka na.

Dugu jera nkelen nana sonsan fe yen. Ok'a ma jara jiginnen don nin tu in na, a to an ka taa a den naani. Nkelen ni ko sonsan ma, n sonna, an ka taa. U taato sonsan ye kogomugunin ke finikolon do la k'o siri ka taa n'c ye a bolo.

Jara be tu min na u selen yen, sonsan ko jara ma, anw nanen be i denw naani. Jara k'o diyara ale ye, ko denw file al' koro nin ye. Sonsan ye kelenta, nkelen yere ye kelen ta. U sinner nsirasun do ma. Jara taara a ka dumuninjini na. Sonsan taara nsirasun fan do fe, nkelen taara fan do fana fe.

Sooñinsansanyensiraden

binnendo sama ka gerayere la, ka soro k'ikansama nkelen ma, ko an ka jaradenw faga. Nkelen k'ale sonna.

Sonsan yensiraden korota k'o ke nsiradili kan po. K'a fo nkelen ye ko ne ye n'ta faga. Nkelen yere y'a ka jaraden ta o kosen filia ma, k'o korota k'o ke nsiradili kan po, k'o kunkolo dayele. Sonsan sinna ka boli ka n'a jo nkelen koro k'a fo ten, tentanten. E ka jaraden faga. O folen jara rana a jo k'a kera cogo di? Nkelen bolila, jara ni sonsan y'a gen. Nkelen y'a to boli la ka wo do ye k'i kulu ka jigin o kono. Jara ni sonsan y'u jo a dala yen.

Je temeto y'u ye o gerela u la k'u ninika. Jara k'a ma nkelen ye n den faga ka soro ka na don wo in kono. Je k'u t'a to, k'ale b'o sen fo ka se a ma. A ye dinge wugubali damine. A jamanen, sonsan ko a k'a jo ale be don k'a laje ni nkelen yoro ka jan halibi Sonsan donna. A ko nkelen ma : je de be dinge kan k'a



Hamidu Tulema

sen. Ninmine kogomugudon. N'a sera i masurunna na, i b'a seriale na. Sonsan soro ka bo, ka na a fo jara ni je ye k'u sera a ma kaban.

Je ye wo wuguba tuguni. A y'a kun don wo kono k'a b'a laje ni nkelen yoro ka jan. O sinna ka kogomugu bee seri a ne na pi. Je y'i pan ka bo, k'ale ne cira. A neji tun be ka suuru i ko sankise. Jara ko na n k'a ye. Je y'i terun ka geré jara la. O'y'a ne were k'o fiye. Nka je ne fiyete ji kera jara da kono. Jara y'i kanto ko je, jaa e neji bee ye kogo ye tan! Mogo min t'e sogo ma, o be son ka ke nen kunun ka da

lankolon to. Sanni nkelen ka bo, e ni ne n'a ne naboo. Jara ye je gen, k'a gen fo ka taa u kun tunun .

Sonsan donna nkelen nofe k'a fa a ye, ko jara ni je be nogon na. Sanni olu ka tila i te bo. Nkelen bora. Sonsan k'a ma, ne m'a fo eye ko ne be se k'idoñko bilen na ka tila k'iboo wa? Nkelen y'a jaabi k'i y'a fo wa a kera. U b'o kuma na, jara ni je kun bora fo gongon be duur u ko ka na. Jara y'i to yoro jan fe k'i kanto sonsan ma, n dogo sonsan, i hakili to nkelen na sanni n ka tila je ta jenaboli la. O folen nkelen y'i kari wo kono tuguni. Sonsan y'a deli, k'a deli, k'a negen, k'a negen, a labanna ka bo.

Sonsan k'a ma, u taara tilebin fe; i te koron mine. Nkelen y'a ta ke panpanniye jiriw ni nogon ce kungo kono k'a yere pini.

N'y'a soro yoro minna, ny'a bila yen

Hamidu Tulema, animatore don «Arajo Sigida Yiriwa» la Timisa, Tomian

Lemogo ni komogo, u fila jigi ye nogon ye

Lemogo jigi ye komogo ye, komogo fana jigi ye lemogo ye. Dutigya ka gelein, kuma te jamana lemogoya ma. Ko jugu fara ko numan kan, a be fo k'o be ye jamana lemogo no ye.

Geleya mandi dutigis i ye, kuma te jamana lemogo ma. Mali geleya te lemogo kelen ka geleya ye. Geleya inye an bee ka geleya ye. Sabula a b'i n'a fo yuruguyurugu keleli te Maliden si ka lajini ye. O de la mogo caman kera yuruguyurugumogo ye, bee kera namarato ye. Jatemine na, Mali lemogo min mana ke yuruguyurugumogo ye, o togo duman de be fo; nka ni min kera lemogo numan ye, o togo jugu be fo. Fo bee y'a dan Mali kono sisar, ko Neñi Ngolo ye bamanantogow ye. Ni Malidenw ma miiri ka numan woloma ka bo jugumanwceema, annameen nin dabolo jugu kan de.

Folo mogow sara suturia, dannaya ani danbe kono. Sisan mogow be horonya kuma fo k'a soro a jogu t'u la. Hali mogolankolon tun te son ko min keli ma fola, o de ye bi horon kewale ye. Folo horonya tun be taama sira min fe, bi mogow y'o sira bila ka sira kura bo u yere ye.

N'a fora ko min manji, o be ke, o be fo. Bee y'a yere ke kodonna ye. Bee kera yeresagokela ye. Mogo si te son laadili ma. Ko bee te keta ye, ko bee te foto ye.

Faraban Balo ka bo
Fuladugu-Kotuba, Kita mara la

Ala t're de be se ka fara Mali kan

An ka jamana ka taanje ka gelein k'a sababu ke forobacakédaw cogoya ye. N'idonna baarakeyoro dowla, mankan be yen; nka baarakela te yen. Jamanaden beedunko ale ka hakewka di a ma. Kerenkerenneny la n'i donna dogotorosow kono, ni banabaato b'i bolo, doweri ti madusukasi kamanagan ko. Mogomangkan ka ca an ka dogotorosow kono; nka mogokodess be yen

Dogotoro o labora baarakey kan a nka anw ka dogotoro do dow kelen be tonsigiyorow ni parisiqiyorow ye. Oye ko juguba ye jamana kono, ka banabaatow somogow jigi misenya. Hali baronin minnu be ke arajoso dow la, o fana lamenni tuma si te teme baarakela dow kan. O baronin lamennbaa fanba ye musow ye. N'a ma ban, dow te baare masoro. A baronin dow be ban fo nege kanne 11 waatila. Ub'o waati bee sigi ka banabaatow to u ko sow kono. Demisew ka ca dogotorosow la; nka a camanbeyen, ab'in'a foute'ka baara neñon kosebe. Musokonoma mana se u ma, u be sin ka pikiri k'a la k'o be tin sennateliya. Dow yere be koro musokonoma jiginni koro ka sin k'a konofara ka.

Isa Jalo ka bo Kodugu, Dugabugu komini na Kat



Isa Jalo

denlabo kasoro a tun tenu se o ma.

Nin waleya ninnu kelen be sababu ye ka musow siran la taa dogotorosow la. Lakilisigi fanga be ka dogoya dogotoroso miseninw ka baara kono.

B u l u k a s u n b u g u - l u b i l e n n i n n a . B a m a k o , banabaato gelend sera yen kencyaso do kono. U sinna ka kon ka sumayapikiri k'a la ka laban ka soro muw don a la. Dogotorokoroba do kalajeliw senfe, o'y'a jira ko sumaya te muso in na, ko furudimi de b'a la. O y'i soro sumaya raw tun na se ka muso in hematige.

Tuma min na -u ye dogotorokoroba ka fura sebennew kala, a kerain'a fo muso tun b'a la k'a tug. Lafiya nana o yoronin bee la.

Isa Jalo ka bo Kodugu, Dugabugu komini na Kat

Bangekolosi kelen be tijeni ye wula kono

Bangekolosi ye ka furance jan don denw ni nogon ce. Kabini lawale la, bangekolosi b'an ka jamana kono. Nka a ni bi ta kecogo te kelen ye. Bangekolosi furaw tun be yen, ni tubabufuraw te. A dow tun be bo jiriw la, dow tun ye tafow ye. Min tun mana di i ma, n'i y'o ke a cogo la, fo ka waati jan ke, i tun te garijeghe kura soro fo i ka fura, jo walima ka tafo in foni. An donkow tun ye jiri ni tafo ye.

Bi, bangekolosi feere cayara, furakisew, alimetikiseninw, pikirinuw an'a tow. An ka laadalafurabolaw kera bolokofefewn ye.

An ka wulakonodugu caman na bi, muso bee ko alimetikisenin, ikirin walima furakisenin. Muso furulen fura muso ganan kan, u bee donna a la. U b'u ta tacogo bee la. O bangelen be geleya were la. Banasidqbalie be ka caya musokunda. Sanga ni waaati bee la, musow de be furatobiw ni dogotorosolataaw la. An be don min na muso keneman be nini ka dogoya an ka sigidaw la.

Isa Jalo ka bo Kodugu, Dugabugu komini na Kat

Wulakonona furuko geleyara

Dugubakonfurumusakaw be nini ka nogoya ni wulakonofurumusakaw ye. Folofolo, faantan tun be muso fura a te lebu, nka an be don min na bi, faantan senbora musofuru la wula kono, k'sababu ka an yerev no ye.

Geleya o geleya be hadamadenw kan bi, Ala ta ka dogo a la.

Mun de ye furuko geleya wula kono? Hadamadenw ka natako jugu no don. Jamalaje mana ke denbaya o denbaya kunkan, o ye musakaba ni dumunibatomu daminen y'e. Mogo fanba nakun ye konobara faliye, ut de rombo ho, wa u dogokun kelen ni ko ke o kunkokay. Ipin na, i be golli k'i ka du to dakanungo kokaje, ani tebawuli d'na.

E dutigis min be k'i denmuso don furu la walimaka muso fura ka na n'a ye i ka so, n'e m'i jo i cejoy, i be golli k'i ka du to dunanw bolo.

Wa ni mogo min ko ka musakaw d'eben mogo te soro ka fara i kan k'iboa la fakili la in lafasa, wa mogo te soro ka fara i kan fana doni ni musakaw tali la nafoloboko la.

Asani Tarawele Kokuna, Kapolondugu komini na Sikasso

Poyi : Janfa

Janfa man ni de!
Janfa pogonna fen jugu te yen.

Janfa, tijenifenba
N balimamu, n balimake
Ne siranna janfa ne.
Janfa te horon danbe ye.
Janfa te silame danbe ye.
Ka jamana soro nagasi
Ka du soro ke i kelen ta ye.
Ka jamana dafiri, i kelen ka soro kama,
Janfa man ni de.
N balimakew n ni
balimamusow,
Ala k'an bee kisi janfanci tooro ma.

Isa Jalo ka bo Kodugu,
Dukabugu komini na, Kat

Kalankene : Denni (Apostrophe)

Kibaru kalanbagaw n'a kanubagaw be to ka bataki minnu ci an ma an ye fili dōw kolosi olu la denni sira kan. Denniye bamanankan focogo numan ye. Bamananw benna denni kecogokan, u ka kan focogo numan kama kasoro u ma tali ke tubabukan na. Bawo denni be tubabukan fana kono, wa a ni bamanankan denni sariya bee ye sariya suguya kelen ye.

An ka nin misaliw laje, k'u jatemeine kosebe. An be kumasenw ta fila-fila : folo, denni t'o kono, filanan denni b'o kono. O kun ye n'i y'u fila sanga, i be denni nacogo n'a labencogo ye k'u faamuya.

1 Bee be i yere ye.

2 Bee b'i yere ye.

3 Kana a to a ka i dan fe!

4 Kan'a to a k'i dan de!

5 A to, n te a to, ni a tonna i koro, i kelen be a ce.

6 A to n'ta to, n'a tonna i koro, i kelen b'a ce.

Denni sariya

«Denni be se ka ke ni dafalen fila benna; dennan be bila dafalen nemadogolen no na».

« Ni daue fila be nogon ko, folo be laban ni dafalen ye, filanan be damine ni dafalen ye, daue folo dafalen laban be se ka den ka denna sigi a no na»

Misali

A n'a den nana, an k'u bisimila.

Kolsili

“n'a” : Denni kera yan. A tun ka kanka seben «ka u». Denni sariya labatora. Dennan bilala dafalen nemadogolen no na.

“k'u” : Denni kera yan. A tun ka kanka seben «ka u». Denni sariya labatora. Dennan bilala dafalen nemadogolen no na.

Kolsili

Denni kebalya te a dama filiba ye sebenni na. Nka kunnasebenni na, ni karamogo ye denni ke, n'i ma ke, o ye fili ye.

Kolsili

Bamanankan sebenni benkanw na, denni ka kan ka ke :

- n'a be waledemenan ni nonabilia ce. Misali : karamogo y'i jo.

- n'a be 'kafolan «ni» ni nonabilia ce. Misali : Seku n'a muso taara.

- n'a be waleyalan «ka» ni nonabilia ce. Misali : An k'a laje.

Kolsili

N'i ye sariya labato kojugu, k'a fo ko ni dafalen fila benna yoro o yoro, i be

denni ke yen, o fana man ni.

Yoro dōw la, i b'a ye ko hali dalafo li, denni man kan ka ke yen, hali n'o y'a soro dafalen fila benna.

Misaliw :

N'a tonna i koro.

A' y'a sigi i sen kan.

«tonna i koro» ani «sigi i sen kan» kono, dafalen fila be nogon ben, nka denni man kan ka ke.

Kolsili :

Poyisebennaw ni masalasebennaw, walasa ka kuma diya, walasa ka nison lamaga u sago la, ka lamengba walima kalanbaga janto mine, olu be se ka denni kerenkerennen dōw ke, u sago la hali n'u tun man kan ka ke.

Misali:

Babenba! Cefarin taar'i da.

A tun ka kan ka seben «taara i da».

Mahamadu Konta

Dukene :

Dijne konenitaamabaw kebagaw

Ibuni Batuta

A ni nika dijne don, k'a lakali i ka kole ye. Bi ma kow bila senna.

Ibuni Batuta kera konenitaamaba kebagaw ye. A bangera san 1304 febururukayakole 24 Tanze, Maroku jamana kan, silameduba do kono, min mogow tun kalannen don kosebe larabukan na ani silamediine na. A fatura san 1377 Marakesi Maroku. Maroku beriberi dōw don, n'o ye surakaw ye. K'a ta san 1325 la ka se san 1349 ma, a yekilometre 120.000 ke taama na dijne nefe.

Silameya josenduru waleyali donni sango seli n'a sariyaw dōnni, n'o ye Fikihu ye, a y'o kalan ke Alimami Maliki ka taabolo sira kan. A san 21, a taara hiji la Makan. O hiji in senfe, a sugora don do la k'a yere ye kono belebele do sanfe abe ka dijne yaala.

Ola, a y'a fo ko Ala y'ale yamaruya a ka konenitaamaw ke dijne kono, ka siya werew mataama, ka seko ni dōnko werew sidon, ka dugukolo werew, kungo werew, sogo werew, falefen were arji jibolo werew lakodon, ka se u lakalicogo numan na.

A ye san 30 nogonna de ke konenitaamawa na, ka jamana 40 kuruba : Makan, Tumutu, Manden, Iran, Kenya, Turuki, Endujamana, Siniwijamana, Eziputi ni Libi, Siri, adw. A y'o waati silamejamana bee yaala.

Komin a tun kalannen don, masake camanni na folotigicamany'a ta baara la a ka taamaw senfe. A ye muso caman fana furu, ka den caman soro taama ninnu senfe.

Endujamana masake do y'a ke a ka korosigi ye sariyako siratige la. Mog

minnun tun mana taa kiiri la, ale de tun be jogiti jo, ka jalaktigi jalaki. A tun b'o masake min bolobaara la, o tunni ka jugu kojugu. Ni mogo min tun y'a soso, walima k'a kele, a tun be ji kalan wuli k'o bila o la. Kuntigeli tun y'a la here ye. A tun be dōw nənama tigetige k'u sarada.

Batuta yere porogotora abolo; bawo a tun y'o mine k'o ye teriya sama a jugu do fe.

Balawucamany'a soroa ka taamaw senfe, Ala y'a bo o bee la: binkannikelaw y'alajaba sije caman, a donna kaso la ka tila ka bo sije caman. Kurunw dafirila n'a ye sije caman. Finebanaw ye dugu dōw halaki a nena, a kisira o bee la. Jamanaw, duguw, sigidaw, olucaman kelela a nena sije caman, nka geregere si m'a soro o sila.

A sera ka segin a faso la here ni

baden na, Maroku. A seginnen masake y'age re yere la, k'a jinia fe, a ye min ye, a ye min ke an'a ye min men, a k'olu seben ka di ale ma. A y'o baara in ke, o de y'a to n'a iakodonna dijne kono.

Poyisebenna min be wele Ibuni Ali Juzayi, a y'a sigi o de koro, k'a ka taamaw lakali, o y'u seben.

Ibunu Batuta y'a ka taamaw ke a sen na, yelekanfenw na ani kurunw na.

A tun mana se yoro o yoro, a tun be kuma mogow n'u kewalew kan, u ka baaraw, u ka laadaw, u ka fensorisiraw, an'uka dugukolo, kungo ni sogow, hali u ka diinew n'u ka suyalakow. O kunnafoniw n'o donniyaw maralen be bi Maroku masakebondaw bolo.

Mahamadu Konta

Maakorobaro :

Dugukolokene Sumanikelanw

Maakoroba y'a don ko dugukolokene sumani nafa bon, nka mogow caman b'a file i ko jineko bawo u t'a kecogo don. Lakolisow ni balikukalanow kono, dugukolokene sumacogo be kalan, k'a nefo. N'a faamuyara, a nogon ko nogon te.

Kole sigilen k'a lamini, a denw, a modenw, a buranmusow, lakolidew b'u la, balikukalandenw b'u la, balikukalanden jolenw b'u la, karamogow b'u la. A y'i kanto u ma ko dugukolokene ye mun ye ? Bee y'i ta fo. O kofe, a y'u hakillaw dafa

Nefoli : Dugukolokene ye mun ye ? Senekeforo, jiriforo, nakoforo, dukene n'u nogonnaw ye dugukolo ye, kene be min na, sene be ke min kan, jiriw

be turu kene min kan, nako be sene, min kan walima sow be jo kene min kan.

Togo kenenkerennen jumen be dugukolokene sumanikelanw na Cikeduguw kono, cikelaw be foro kene hake fo taari la. Taari ka bon ni dugukolokene sumanikelan to fila ye: «ari» ani «sancari».

U fen saba dōron don. Jumen ye dugukolokene sumanikelanjonjon ye ?

Dugukolokene sumanikelanjonjonye ariye. Taari'y'a kunnasigiye, a korosigi ye Sancari ye.

Furance jumen b'u ni nogon ce ? So kelen, jateden fila. U be i n'a fo kene sumanikelanw. Ari ka dogo ni taari ye sije 100, a ka bon ni sancari

ye sije 100 fana.

taari 1 = Ari 100

ari 1 = sancari 100

ari 1 = taari 0,01

sancari 1 = ari 0,01

An ka dugukolokene sumanikelanw katimu ci k'a nefo.

ari 4652,03 = taari 46, 5203

ari 4652,03 = sancari 465203

ari 4652,Q3 = taari 46, ari 52, sancari 03.

Mun be faamu yan ?

Sokelen, jateden fila. Sosiginoqona fila la, numanfe so ka bon ni kininfeta ye sije 100 ; kininfeso ka dogo ni numanfeta ye sije 100.

Sanganoqonmani :

Sanganoqonmani be dugukolokene

sumanikelanw ni kene sumanikelanw ce wa ?

Sangaqonmani nasira la, dugukolokene sumanikelan kelen - kelen bennogonw be kene sumanikelanw na. O be don n'i y'u sigi nogon fe katimu kono. o katimu file nin ye :

- meterekene 665 = sancari 665 = ari 6,65

- meterekene 304852 = sancari 304852 ari 3084,52 = taari 30,4852.

Mun be faamu yan ?

Kolsili

So kelen, jateden fila. Kemk ni taari ye kelen ye ; bimk ni ari ye kelen ye ; mk ni sancari ye kelen ye.


Karamogo Daramai Tarawele
Sumanikelanw, kalan Diya

Warifusara siraw kan, o bœ ka baganfeere nafa dögoya

Cakeda min nesinnen bœ Mali soro yiriwalisiraw jatemine na, oy'a jira ko gerenteba bœ Mali baganjalow kan. K'u ka jago sennasirilen don k'a sababu ke warifusara cayakojuguye siraw kan. Wa wari hake kelen dantigelen te bagantigiw ka kan ka min sara kasoro ka teme.

Kerenkerennenya la sira damadow bœ yen, baganw bœ taa feere kokan minnu fe. In'a fo ka bo Koro ka na Moti ka Abijan lasoro Konowari jamana na; ka bo Koro ka teme Burukina fe ka Kotonu lasoro Benen jamana na ani ka bo Kayi ka Dakaro lasoro Sehegali jamana na. Jateminekelaw y'a kolosi, ko gleyea caman bœ Mali baganfeerelaw kanninsira ninnukan.

Koro-Moti-Abijan, o furance ye kilometere 1.125,3 ye. Kilometere keme o keme u bœ se ka lere 2 ke joli la faamasigiyorodola. Faamasigiyoro 26 b'o furance in na. Bagantigiw ka wari sarata bœ se sefawari döröme 57.500 ma. O bœ ben döröme 4.857,2 sarali ma kilometere keme o keme. O fana be benoröme 2.211,6 sarali ma faamasigiyoro kelen o kelen. Korô ka teme Burukina fe ka Kotonu lasoro Benen jamana na, o furance in ye kilometere 1.698 ye. Faamasigiyoro 34 b'okan. N'iy'ofurance in kilometere keme-keme sigi, o bœ ben faamasigiyoro 2ma a kelen o kelen. U be lere 16 ni tila ke furance in kan; n'o ye minni 57 ye kilometere keme o keme. A wari sarata mume bœ se sefawari döröme 90.200 ma. O ye döröme 5.312,2 ye kilometere keme o keme. O fana ye döröme 2.653 ye



Imowa (UEMOA) jamana bœ la, baganmara fanga ka bon Mali de kono

faamasigiyoro kelen o kelen.

Ka bo Kayi ka Dakaro lasoro Senegali jamana na, o ye kilometere 995 ye. Faamasigiyoro 22 b'o sira in kan. O ye faamasigiyoro 2,21 ye kilometere keme o keme. U be lere 20 ani minni 40 ni k'o k'o furance in fe. O ye lere 2 ni döönin ye kilometere keme o keme. Wari sarata mume ye sefawari döröme 56.680 ye. O ye döröme 5.696,4 ye kilometere keme o keme, o fana ye döröme 2.576,4 ye faamasigiyoro kelen o kelen.

A kolosira ko nin joliba lankolon minnu be ke baganfeeresiraw kan, ka fara u wariboko kan, k'o ye gleyaba ye nafa soroli la baganfeerelila jamana kokan. Warifuminnu be sara ni seereyasében (eresi)tula, o mumé ka ca ni sefawari miliyari 3ye tile o tile ni kamyon 25 be bœ jamana

kokan ni baganw ye. U bœ wari hake min don u ka dumuniko ani banagw bœ dafc sañni k'u se u taayoro la, a jate t'o la.

Kasoro Mali jamanakonosoro (PIB) kemesarada la, 19 ye baganmara nafa ye. Imowa (UEMOA) jamana bœ la, baganmara fanga ka bon Mali de kono. Misi miliyon 7,8, ba ni saga miliyon 22, nöggome 674.000, olu bœ soro Mali kono. Baganfeere nafa bœ joyoro 3nan na Mali bolo kokanfeere la sanu ni koori kofe. Bagan caman min be soro Mali kono, o de b'a to o bœ Konowari, Benen ani Senegali son baganw na ka fara Bürukina ni Gana kan. A be sow ni faliw fana lase Moritani ni Alizeri ma. Jatemine na bagan bœ soro du kelenna bolo wulakonduguw la. U bœ to ka dow feere k'u warikomakow nenanbo, u bœ

dow fana dun. Mali bagancamantigiv ka wari soro kemesarada la, 80 bœ bœ baganw na; nka minnu bœ baganmara ni sene ke nogon fe, olu ka wari soro kemesarada la 18 döron be bœ baganw na.

Bagan caya n'a ta bœ Mali kono, dabaliba tigelen te, min b'a to nafaba ka se ka soro baganmara la. N'o te Konowari min te baganmarayorobœ ye, baganminyorow labennendondcaman fe ani ka baganfagayorow laben sogo numan sanbaaw kama. U y'owaleya ninnukësan 1970 waatila ka se 1980 ma. Odabora baganmara yiriwali kama u ka jamana kénékayanfan fe. O kelen Mali baganmara la caman y'a kunda yen kan ji ni dumuni nofe.

Fen were min ye gleyea ye Mali baganmara la, o ye baganw nenanma boli ye ka taa u feere jamana kokan.

O waleya in de koson Mali bœ sefawari miliyari 20 fo 30 don nono ni nonomafew na ka don jamana kono; kasoro ni baganw bœ to jamana kono k'u biri, Mali tena wari fu bœ ka di kokanmogow ma nono nofe.

A numan ye Mali ka baganmara don ba la kosebe, min b'a to a bœ se ka ke soredaba ye jamana bolo.

Hakililajigin na, san 2016 kono, cakeda min nesinnen bœ baganmara nafa boli ma, o nenanbo Amadu Danbele y'a jira kunnafonidilaje dœsenfe, ko Mali ka baarakenafo kemesarada la, 2 döron de bœ di o cakeda in ma.

Amadu Umaru Jalo
Dokala Yusufu Jara

Furudimi suguyaw, a taamasiyenw n'a sababuw

Furudimi suguyaw

Falaka jeman dö fensennen bœ furu kónona bœ la. Ni furu b'a la k'a ka baara ke, ka sumanw yelema, ka nagaw labo, n'o ye banakotaw ye, ka nafamafew lateme joli la, o falaka in be nagaw ni ji juguw ni kónonafén wrew bali ka wo bo furu kónona na walima k'a bali bosili ma oli kana tige a la. Furu bœ ji min seri sumanw kan walasa u ka bayelema kojuman ani falaka ninnu b'a lakanani min ke, ni fiye bilala o baara fila la, wonin be bo furu kónona na, walima k'a bosi, ka joli tige a la, o ye furudimi damien ye. Furudimi ye bana ye, n'a ye mögo mine kabani, a te se ka furuke k'a ban pewu. Fura bœ soro minnu b'a mada, n'o te n'i be dumuni kóni ke, dumuni kalaman, sumannenbaw ani kumumafen ni tulumafew adw, a furudimi t'i to.

Furudimi ye suguya fila ye :

Suguya folo ye furudimi ye min be mögo mine furu ni nugu tuguyoröla. O furudimi suguya in de k'a ca. Ale hake ye 90% ye furudimilwa. Falaka bosili de bœ na n'ale ye, ka joli tige. Tuma o

tuma ni furu kónonajiw ni suman yelemanew mana se o joli in ma baara sorola.

Suguya filanam bœ mögo mine furu yere kónona na. Ale manca, nk'ale ka jugu ni folo ye bawo ale bœ se ka laban saya la.

Furudimi sababu jónjónw

Nimafen fitininni do bœ furu kono, furukonoji te se k'a le yelema ka ke banakotaa ye. Ale mana caya furu kono kasoro a ma faga walima k'a labo, ale bœ furudimi bœ mögo la bawo a bœ furu nimi, k'a sogo. A togo tubabukan na «Helikobakteri Pilori». Tubabufura minnu bœ furu nimi, i n'a fo asipirini ani döwerew, olu fana bœ bana in bila mögöw la. O de kama, a bœ fo ka asipiri dajifol walima k'a nimi n'o te a bœ se ka mögo kele. Kunnasiri juguw (konomafili juguw, dölöminba, sigaratiminba, olu fana bœ se ka furudimi bila mögo la.

Furudimi taamasiyenw

Furu dugumana, ani galakakolo dugumana bœ kalaya, k'i sogosogo walima u bœ se ka ja, kongo b'l mine tuma bœ, kongo ka jugui ma kosebe.

Girintiliw be to k'i mine. I dusukun be to ka nugu ka foono nege gan i la. Dumuni keli be negebo i la, sumanw yelemani be gleyea furu ma. A tigi be to ka fasa ka taa a fe. banakotaa je be fin. Tuma döw la, i bœ foono, joli bœ bo o la fo ka se nenanminw ma.

Furudimi furakeli

Mögo man kan ka bana to i la ten k'i ban k'a furaké. N'o te bana min don, a furaké man di. Joli do bœ kénéya, o kénéyatö be joli were lawuli a kéréfe. Fura min b'a la o ye dogotorosolataa ye. Dogotoröw be nogoyalan nenanmaw seben i kun minnu b'i lafiya. Farafinfura nenanmaw bœ se ka furudimi furaké, k'a nogoya nka foika

se a dönbaga jónjón ma. Ni furudimi b'an na, an ka kan k'an jilaja, dumunifén ni minfen minnu be furu ni nugu sogo, ka da a kan u kumunen don, walima u ka basi, walima u ka farin, walima u ka kalan walima u ka timi kojugu, k'olu to yen. Negela minnu be dimiw lawuli, i n'a fo dolo, sigareti, kafe, foronto n'u nöggonnaw, k'olu fana to yen. Asipirin fana b'o cogo la, tacogo b'o la. Kunnasiriko caman, mögo ka kan k'a künbo olu fana koro ka to ka nono min, o ka ji furudimi ma.

Mahamadu Konta
(An ye nin kunnafoniw soro entereneti kan)

Muso do ye den 38 soro k'a si to san 37 la

Muso in togo ye Mariyamu Nabatanzani Babiriye. A bœ bo Uganda jamana kono. A ka bon hakili ma, nka Ala ka baara don. A nogon muso dentigi te diye bœ. A ka jamana kono, a ye bonya ni karama karaba. Bœ b'a fe, bœ b'a bonya k'a karama, k'a barkida.

Muso in ye filaninw soro siye 6, o ye den 12 ye. A ye sabaninw soro siye 4, o ye den 12 ye. A ye naanininw soro siye 3, o fana ye den 12 ye. Okofe, a ye den kelen-kelen soro siye 2. A ka nin densoro ninnu bœ segesegera ka bolo da a kise kan, k'u sementiya. Kabako, dabalibanko, nka Ala te desé fosi la.

FIFA y'a ka nangiliw wuli ka bo Mali ntolatanko kan

Farikolojenaje jemogow tun ye wulikajo caman ke walasa feerew ka soro kele banbaliw la Mali ntolatanko Federason kono. O wulikajo bee kera fu ye, bawo Mali nangira, fosi ma se ka bo a la.

Hakilajigin na, marisikalo tile 8 minisirilaje senfe san 2017, sariya n° 0011/2017 tara ka Mali federason ci. O kelen, jekulu kerkenrennen do sigira senkan a no na min jemogoya dira Sidi Jalo ma. O baara min kera farikolojenaje minisiri Huseyini Amiyon Gindo fe, o ma ben dije ntolatanko jenabolitonba ma, n'o ye FIFA ye.

FIFA jemogowy'ajira k'olunonabila ye Federason de ye Mali kono, n'o jemogo ye Polisiw ka Zenerali Bubakari Baba Jara ye.

O hukumu kono, FIFA sariya te dije n'a ye politimogow ani goferenaman k'a sendon Federason

ka kolnabow la sango k'a fo k'u b'a ci. FIFA ye kangari gelaw da Mali ye, bawo nangili jugu b'a dafe.

Farikolojenaje minsiri y'a jira ko Mali goferenaman tena segin a ko, Federason cira, a fora, a banna. Minisirilabanna kaa taa FIFA dagayoro la, kele ma diya a la yen. A ye Kinni ke, ka tanni ke, a ye dugumasara ce yoro bee. A ma ne min ko, a kera o ye. Federason koni cira nka FIFA ye sariyabere ta ka Mali gosi :

Mali joyoro bosira a la dije ntolatanko bee lajelen na. A joyoro bosira a la Afirikintolatankobee lajelen na.

Joliba ni Jaarela Cedenw, olu senbora Afiriki ntolatantow ka kunbenw na. Samatasagekaden tun ka kan ka taa Kani na Gabon, o bora a ma. Sani min be ke Kenya san 2018, sokontolatannaw tun ka kan k'o jebilantolatan minnu ke, o bora a

ma. Kani min be ke Kameruni san 2019, Samatasagek tun ka kan k'o jebilantolatanw ke, o fana tenu bo. Kupudimoni min bera ke Irisijamana kan san 2018, o fana b'o cogo la, adw.

FIFA ka nangilibere farinyara kojugu. Ntolatan kanubagaw dusu tinen. Kulekanbora fanbee, fomogow tun bera muruti. A laban na, Mali ntolatanko jemogow ani faamaw y'u bolo filia u ko FIFA ye ka jen-ko-Ala fo.

Okera minke, nangiliw wulila ka bo Malikan. Mali Federason koro sigira a no na, n'o jemogo ye polisi Zenerali Bubakari Baba Jara ye. Minisiri tun ye jekulu kerkenrennen min sigi senkan, o ka baaraw jora.

Mali seginnen a ko, minisirijemogu kura Abudulayi Idrisa Mayiga ni Federason jemogow ni marabolow ntolatanko jenabolijekuluw ye

nogonye ke minisirijemogoso la. O kera alamisadon, awirilikalo tile 27, san 2017. Kelejognonw, Federason ni ligiw fanba jemogowy'utege di nogon ma, ka yafa nogon ma, ka ben fo la, minisirijemogo ka yamaruya kono.

Ubenna a kan Federason biro koro ka falen, k'a lakuruya. FIFA b'o baaraw jemogoya ta.

A no goni na, seben cira FIFA ma k'a jira a la ko Mali jemogowy'e sariya labato. O no goni na, nangili bee wulila ka bo Mali kan. Mali tun sen bora ntolatan fen o fen na Afiriki ani dije kono, o bee seginna a no na. A joyorw laseginna a ma ntolatanko dakun bee lajelen na.

Joliba ni Jaarela cedenw olu tun kantolatantw lajora kupukafula. Segin tenu ke o kan bilen, nka nodilanniwi bera di u ma k'u neji ce, bawo u bora tulon na ka soro se ma ke u. Taare. Mahamadu Konta

Afiriki ntolatanna fitininw ka Kani bee ka tan Gabon

A daminena Karidon mekalo tile 14, san 2017 ni Lajine ka se ye Gabon kan 4 ni 1. O kofe, Kameruni ni Gana ye pogon soro, o labanna 4 ni 0 la Gana kanu na.

Jamana 8 de tun b'a kene kan.

Kulu A : Gabon, Lajine, Kameuni, Gana, olu dagayoro ye Porizanti ye.
Kulu B : Mali, Tanzani, Angola, Nizeri, olu dagayoro ye Liberewuli ye.
 Mali de ye kupu temenen in ta. Bee sigilen be ka Mali kono. Nka degelikaramogo Zonasi Komula ka cedenw y'u laben a kama walasa ka Kupu in ta siye filia. Samatasagek fitininw ka kapiteni Mamadu Kamara n'a togognonw jigi be Kupu kan ninan, ka da a kan, a donniya b'u la, a feere

b'u kono. Fo n'a kera u ka laben kecogo ye, bawo uni Mali ntolatanton fila doren de sera ka pogon soro, u labenni hukumu kono. Mali nangili min tun kera FIFA fe, o tun y'a jira ko Mali tena ye kene in kan bilen o fana digira u la. Mali jigi be Jibirili Darame denke kan kosebe kani in na, n'o ye Haji Darame ye an'u ka Qana tow. Afiriki ntolatanna fitinin minnu si te temesan 17 kan, olu ka Kanibolodara nin cogo in na :

Kulu A : (Porizanti)
Tile Folo : Kari, mekalo tile 14, nege kanje 16 : Gabon ni Lajine,
 Nege kanje 18 : Kameruni ni Gana.
Tile filanan arabardon, mekalo tile 17
 Nege kanje 16 : Lajine ni Kameruni

Nege kanje 18 : Gana ni Gabon
Tile sabanan sibiri, mekalo tile 20,
Nege kanje 16 : Gabon ni Kameruni
Nege kanje 18 : Lajine ni Gana
Kulu B

Tile folo nteten, mekalo tile 15
Nege kanje 16 : Mali ni Tanzani
Nege kanje 18 : Angola ni Nizeri
Tile filanan alamisa, mekalo tile 18
Nege kanje 16 : Tanzani ni Angola
Nege kanje 18 : Nizeri ni Mali
Tile sabanan kari, mekalo tile 21
Nege kanje 16 : Mali ni Angola.
Nege kanje 18 : Tanzani ni Nizeri
Deminali
Araba, mekalo tile 24
Nege kanje 16 : Gana - Nizeri

Nege kanje 18 : Mali - Lajine
Joyoro sabananini
Kari, mekalo tile 28
Nege kanje 16 : demifinali gosilen filia

Finali
Kari, mekalo tile 28
Nege kanje 16 : demifinali sebaa filia.
 Gabon Kani in senfe, jamana naani minnu mana bee dan, olu be taa Afiriki joyoro fa kadew ka kupudimoni na. Olu ye Mali, Nizeri, Gana ani Lajine.
 Mali ka ntolatan folo la, a ni Tanzani ye pogon soro, o kera filanbin ye 0 ni 0. A ka ntolatan filanan na, a ye Nizeri gosi 2 ni 1. A ka ntolatan sabanan na, a ni Lajine ye sanga 90 ke 0 ni 0. Nka penaltiduurutan na, a ye Lajine gosi 2 ni 0. Ola, Malini Gana be pogon soro karidon mekalo tile 28 finali la.

Seyibu S. Kamisoko
 Mahamadu Konta

Faransi peresidan kura Emaniyeli Makoron

A bangera Faransi dugu min na, o ye Amiyen ye, o kera san 1977 desanburukalo tile 21. A si be san 39 na. Banki baarakela tun don. Politikimogo tun te, bawo a tun m'a kankowoteko la joyoro si nof ni jinan peresidansigint. A ka baara juman kama, Faransuwa Holandi y'a gere a yere la, ka tila k'a ke nafoloko minisiri ye.

A bora o minisiriyade la kasoro k'i laben peresidansiginti kama. Ola, a ye politikijekulu do sigi senkan min be wele tubabukan na, «Danmarisi», o koreye «Anka taa», otogolabanna ka ke «Jamana ka netaa pariti ye».

Wote kera a ni muso min ce, o togo Mari Le Peni. Makoron ye wotekela 66,10% soro, muso in ye 33,90% soro.

O tuma, ale de sigira Faransuwa Holandi no na, bawo o ka san 5 dafara karidon, mekalo tile 14 san 2017.

O ma son k'a kanbo peresidanya nof, ka da a kan, a tun y'a jira ko n'a ma se ka Faransi denmisew ka baarako jenabow, a b'a senbo.

Mogo 11 minnu tun y'u kanbo peresidanya nof, olu bee binna k'a to to u mogo filia ye : Mari Le Peni, o ye muso yeani Emaniyeli Makoron. Pariti belebele filia minnu be Faransi, n'u be wele kininfemogow ka pariti ani numanfemogow ka pariti, olu binna kabini wote tako folo la. A b'i ko jamanadenw be jini ka tige olu la. O de kama, u caman y'u bolo moenbo Makoron nof. O ye denmisew ye, a kalannen don, a faamuyalen don nafoloko baarawla, ay'sinsinpolitiki tabolo kura kan, dije kono, n'o ye sigikafye, bolodinognoma, jekabaara ani teriya ni ben yu, dije siya bee fe, ani dije diine bee fe, soro yirwali sira kan. Mogo minnu wotera Makoron ye, olu bee t'a niw ye. Dow wotera a ye, bawo u t'a fe Mari Le Peni ka ke

peresidan ye; bawo o be politiki sira koro kan, n'o ye fasokanu lafasako jugu ye, n'o ye siyawoloma ye, n'o ye silameya keleli ye, n'o ye dunanw mangoyalie, n'o ye tubabuw fisayali ye ni siya tow ye. Makoron ye se soro nka geleya dow b'a kan :

Makoron fanga dogoyeraro ye jama basigilen t'a bolo folo. A bera wajibya k'a bolo di pariti belebele filia ninnu de ma, n'olu ye kininfeparitiw ni numanfeparitiw ye, olu duntaabolow te kelen ye, wa u be pogonkromace la tuma bee.

Mari Le Peni ka pariti n'o ye «Fond National» ye, o fana tenu baara nogoya a bolo, bawo o be ke fanga sinamatow ye. O pariti in tondew basigilendon, ucaman yediinjemogow ye, n'o ye kereccnwye. Dowye Hitlere kanubagaw ye, bawo Alimanw kelen ka Faransi mine dije keleba filanan

«AMAP» kuntigi
 Abudulayi Tarawele
Kanw kunnafonisew
 baarada kuntig
 Lanze Samake

BP : 24 - Telefon : 20-21-21-04

Kibaru Bugufiye Bosola
 Bamako - Mali

Sebennijekulu
 Mahamadu Konta,
 Dokala Yusufu Jara

Labugunyoro : AMAPU gafedilan
 baarada

A to be ne 6nan na

Faransi jamanakuntigi kura Emaniye li Makorōn ko a bëna Mali dëme

Emaniye li Makorōn sigilen Faransi jamanakuntigi la, a ka taama folo kera Alimanjamana kan, A filan kera Mali la mekalo tile 19 san 2017. Atunnana Faransi kelece wla Gawo, n'ye Barikaniye. Barikaniko damine ni bi ce, a sera ka kojugubakela 400 senbo kélé la. Dow fagara ka dow miné ka datugu. Kelekeminen tóni 20 soro la olu ko. Faransi kelece 19 fana tora o kélé la.

Jamanakuntigilbarihu Bubakari Keyita taara Emaniye li Makorōn kunben Gawo. Okéne inkán, Faransi jamanakuntigi kura in y'a jira ko Faransi tena a bolo jigin kojugubakelaw kélé la ani k'u bëna dëme don Mali la, o ka yiriwali siratige la.

Faransi jamana na, minisiri min jésinnes be Faransi ni Eropu ce ani Faransi ni yoré werew ce kónew jénaboli ma, o ye Zan lwu Lediriyen ye. Faransi sórðasi ká minisiri ye Siliwi Gulari ye. Faransi cakeda min jésinnes be yiriwali ma o jémogoba ye Eremi Iriyu ye. Nin mogo saba tun be Emaniye li Makorōn nöf a ka nin taama in na Mali kono.

Emaniye li Makorōn jíginne ka bo pankurun kono Gawo, a ni Ibarahim Bubakari Keyita taamana ka foli bila Barikani jémogow la kéné ka. Barikani mogo hake bë se kelece 4000 ma sahelijamanaw kan; olu la mogo

1.700 be Mali kono. O foli bannen u fila donna burudamebugu do kono ka nogon kumanogonya. O kofé u ye kunnafonidilaje ke. A b'i n'a fo jamanakuntigi fila ninnu bëna ko dòw kan; i n'a fo kojugubakelaw kélé ani benkan min tara goferenaman ni körñfela mogo murutilenw ce, o waleyali, ka fara yiriwalibaara dow fana waleyali kan.

Emaniye li Makorōn'ajira ko kelece minnu be Faransi bolo Mali kono kojugubakelaw kélé kama, ko fen tena bo'o hake la; k'u be toyan ka Mali sórðasi dëme. A y'a jira fana, ko benkan min tara goferenaman ni körñfela mogo murutilenw ce Alize, o ka waleya teliya la. A ye layidu ta, ko kelekeminenw bëna di Mali sórðasiw ma u ka se k'u joyoro fa a je ma. Kunnafonidilaje kofé, jamanakuntigil donna Barikani dagayoro la k'o yaala kelekepankurun 17, mogo te don pankurun minnu kono n'o ye doroni ye o 5, pankurun minnu be kelecew dohi o hake b'a ta 6 la ka se 10 ma, mobiliba 300 ani mobiliba bilende n'o ye marifakise te mogo soro k'i to min kono o 300; nin bee be Barikani togo la.

Emaniye li Makorōn donna kelekepankurun do kono. O wulija ka Gawo kunnana yaala. Barikani be ka dabali minnu tige yoré ni yoré kojugubakelaw kélé kama, u y'olu



Emaniye li Makorōn ka taama folo Afiriki kono

jira Emaniye li Makorōn na k'u to sanfe yen. O waati kelen na Ibarahim Bubakari Keyita donna Gawo dugu kono ka foli di dugumogow ma.

A ni Gawo maabaw ye kumanogonya ke goferenneri ka dunanbisimilayoro la. Emaniye li Makorōn kelen ko ka tilelafana dun Barikani mogow fe pankurunjiginkene kan, a ni Ibarahim Bubakari Keyita ye layidu ta Gawokaw ye, k'a bëna dogoto uso jéname da jo Gawo, min bëna se ka baara suguya caman ke kénéko siratige la.

kécoço lumanana. Ay'a jini sórðasiw fe, u k'u janto Hónbori ni Gawo ce lakanani na kosebe, ka toka pankurun ta ka yoré yaala kojugubakelako la. A y'a jira ko Hónbori ni Gawo ce sira ka kan ka dilan joona, ani ka Tawusa barazi to lase. Jamanakuntigi Ibarahim Bubakari Keyita ye layidu ta Gawokaw ye, k'a bëna dogoto uso jéname da jo Gawo, min bëna se ka baara suguya caman ke kénéko siratige la.

Ahamadu Sise
Dokala Yusufu Jara

Je 7nan ts

senf, Faransika down'a jera ka baara ke. Omogow n'u bonna n'u kanubaga caman be Mari Le Peni ka partit la.

Nka, sisán, imuso in y'a jilaja ka bololabaarakelaw ni cikélaw, ani faantankuluw ke a teriw ye, olu fana be ka fara a kan.

O de kama wotew jaabiw bolen, peresidan kura ye kuma ta k'a jira ko baara min be k'a makono, o fanga ka bonkosebe. Akeleritse, nka a ni jón ni jón bëna je k'o kónew jénaboi? Jininkali gelén.

Hakili min be Makorōn na ka jésin Afiriki ma o donnent don. Oni Faransi politikimogo körñfela si ta te kelen ye. A

y'a jira ko Faransi ye walifasomara minnu ke, ka jonyajuru don a ka jamana maralenw kanna, k'o ma bén ale ma.

A ko a bëna ye lema don Faransi n'a ka jamana maralenw ce kónew na, ni hakili ye. Yala o bëna sirasoro wa? A ko a bë kojugubakelaw ni jahadikelaw kélé ka taa a fe. O bee

lajelen ni Faransi kónonagéleyaw mana fara nogon kan, o te kolokolye.

Afiriki jamanakuntigi caman y'a ka nisondiya jira Emaniye li Makorōn sigili la, bawo Mari Le Peni sigili tun ye siranñéko ye olubolo, ka da dunnan genniko kan, an'u ka fangaw diliw tigeli.

Mahamadu Konta

Goferenaman ye dunfenw songow dantige

Sunkalo hukumu kono, faso togolajekulu y'a ka laadalatonsigi 2nan ke nténdondmekalo tile 15 san 2017 jagoko minisirisolajekesokono. A jémogoya tun be jago minisiri ani goferenaman ka kumalasela Abdouli Karim Konaté bolo. Fen minnu be dun kosebe sunkalo kono, laje in bolila olu kan. I n'a fo sukaro, malo, tulu, farinimugu ani nono.

O laje senf, a jirala ko k'a damine mekalo tile 22 la san 2017, kókanmalo kilo kelen songo kana teme sefawari dorome 66 kan bakurubaferelaw bolo; a kana teme dorome 70 fana kan dagodogoniferelaw bolo. Farinimugu bore kelen songo kana teme dorome 3.000 kan. Nbuuru kala kumbaba kelen songo kana teme dorome 60 kan, kala misenin fana kana teme dorome 30 kan.

Bakurubaferelaw kana teme dorome 100 kan sukaro kilo kelen na. Dagodogoniferelaw kana teme dorome 110 kan. Tulu min be dilan Mali kono yan, olitiri kelen songo kana teme dorome 120 kanizina; dagodogoniferelaw fana kana teme dorome 130 kan.

Goferenaman togolamogow, kenyéreyew ka mogow, Mali baarakelaw ka lafaliton mogow ani hadamadenya sabatijekulu mogow, mogo dow de tara olu la k'o ke faso togolajekulu ye. Dunfenw songow sigili jémogojekulu don. Kalo saba o kalo saba u b'u ka laadalatonsigi ke.

Seyidu Tangara
Dokala Yusufu Jara

SAN 2017 MEKALO KIBARU KONKO

- Je 2 : Yanfolila-Kalana siraba dilanni daminené
- Je 3 : Tigasene nafa ka bon
- Je 4 : Fekofo
- Je 5 : Kalankene : Denni (Apostrophe)

Dukene : Djé kónejinitaamabaw kebagaw

Maakorobaro : Dugukolokene sumanikelanw

- Je 6 : Furudimi suguyaw, a taamasiyenw n'a sababuw

- Je 7 : Afiriki ntolatanna fitininv ka Kani be ka tan Gabon